

Botschaft an Kantonsrat

Was wir bereits machen! (Autorin: Regula Fässler)

Miär Jungä sind diä Erwachsänä vo mourä und üs isch Hüt scho bewusst um d Energieproblematik.

Was miär jetzt scho chönnd machä:

Ich bi zum Beispiel:

- Liächtlöscheri
- Schocklüfteri
- Holzheizeri
- Ladegrätussteckeri
- Computerabäfahrer
- Stolzi Allwättervelofahreri
- Liftvermiederi und Stägästiegeri
- Abwäschmaschinäfülleri
- schnell Duscheri statt lang Baderi
- Regionalprodukt Bevorzuger
- Chriäsimaanüzteri anstadt Elektroöfälibenüzteri

Ich freu mich, dass ich i 2 Jahrä z vollä politischä Rächt ha und go wählä und abstimmä cha.

Zuäkünftig hanich au im Sinn:

- Diä jüngärä Generation zum Energiesparä z animiärä
- Dä ÖV meh z nützä, willich äso d Umwält weniger belastä als wenn ich wür mitem Auto gah.
- Muota Strom z beziäh, will ich will uf Alternativi Energiä setzä
- Wänn ich äs Huus wür buä, dass Ganzä ghöürig z isoliärä
(Wills im Ybrig im Winter chalt isch.)
- Uf eigni Energie umzstigä (Solaralag ufem Dach)
- Ä LED Lämpä zuächä tuä, will sie Energie spart und dä nu 15 Jahr anähebt
- Uf d Energieklassä achtä bim Chauf vo Huushaltsgrät. Möglich äs A++ oder äs A+++ Grät näh

Aber mängisch frag ich mich: Warum viel vo üs Jungä, sigs im Thal innä z Schwyz ännä oder im Ybrig hinnä, gar nid richtig uflärt wärded, we schlimm das es eigentlich um üses Energiewesä staht. Fest staht: Das wenn diä Erwachsänä vo Hüt äso witermached we jetzt, dä wärded mier als zuäkünftigi Erwachsäni das Alles mit dem Energiewesä bi üs döffä usbadä!

Ich meinti das miär hiä innä alli wüssed, wo üsä Kanton ih derä Mustervorschriften der Kantone im Energiebereich Listä staht.

Soviel das ich weis leider nid z vorderscht. Nei dä Kanton Schwyz macht z Schlussliecht uf derä Listä. Mit 1 vo 8 erfülltä Aforderigä. Miär Jungä hoffid ganz fest, dass jetzt eisch öppis gad und miär üsä Kanton eisch witer vourä uf derä Listä chönd gsey. Das eisch nid nur Schwyz und Küssnacht diä einzigä 2 Gmeindä bliebed wo Energiestädt sind, sondern das au nu anderi dāzuäh chömid.

Dä Wägwieser dāzuäh isch vo dä Expärtä scho gsetzt und lad nur drü Bärchwäg zuäh wo sträng obsi gönd. Aber miär chömmid niä bim Gipfel obä ah, wänn dä Bärgeföhrrer (Dä Kantonsrat) lieber gradus als obsi lauft.